

六
典
通
考

六典通考卷四十七

湖西閻鎮珩輯

膳飲考

膳飲通論

上古之世未有火化人民茹毛飲血食果蓏麋蛤腥臊惡臭而傷害腹胃民多疾病殞其天年有聖人作教民取火以灼以煇以熟臊牲以燔黍捭豚然後人無腥膻之疾又患木器液漏乃范土合金以爲釜鬲作炷鬲甗甗成物化物而火之功用洽焉後世聖人因制爲簋豆簠簋而飾之以文采宴饗之禮於是乎興易曰君子以飲食宴樂宴樂不已必流於訟是故有饗養之凶有淫

酒之行有如沸如羹以爲極有晝夜荒戲以爲娛未濟之象辭曰飲食濡首不知節也其戒之至矣昔儀狄酒美大禹懷亡國之懼象箸始作箕子發愁歎之聲及周王天下膳養酒政各有專司非直備物將享而已設一定之程使奉者不敢過越受者有所限制正君心而遏邪欲道在是焉後世人主博采四方珍異之味恣供一己醉飽之懽民有不勝其求而僵斃於道路者語曰飲過度者生水食過度者生貪貪之爲害詎不大哉今錄集經傳膳飲之禮附益以後世之事析其目曰食曰燕曰饗而終之以燕兄弟蓋王者於飲食寓親親之義其在大宗伯則嘉禮之一端云

膳夫掌王之食飲膳羞以養王及后世子食飯也飲酒漿也膳牲肉也羞有滋

味者凡養之凡王之饋食用六穀膳用六牲飲用六清羞用

百有二十品珍用八物醬用百有二十饗進物於尊者曰饋此饋之盛者王舉

之饌也六牲馬牛羊豕犬雞也羞出於牲及禽獸以備滋味謂之庶羞公食禮內則下大夫十六上大夫二十其物數備

焉天子諸侯有其數而物未得盡聞珍謂滂熬滂毋炮豚炮

牂瘠珍漬熬肝膋也醬謂醯醢也王舉則醢人共醢六十饗以五醢七醢七菹三醢實之醢人共醢醢物六十饗鄭司

農云羞進也六穀稌黍稷粱麥苽苽雕胡也六清冰醬醯醢醢醢

公食大夫禮下大夫十六豆從臠臠臠已下皆出於牲

上大夫加以雉兔鶉鴛爲二十豆以其有牲及禽獸故

云備庶羞掌客云上公食四十侯伯三十二子男二十

四天子諸侯之數皆從上大夫二十豆上加之內則云

牛脩及爵鶚蜩范柄已下三十一物注云人君燕食所

加庶羞也至天子羞百二十品則記者不能詳

凡王之稍食設薦脯醢

鄭司農云稍食謂非日中大舉時而問食謂之稍食膳夫主設薦脯醢元

謂稍食有小事而飲酒

掌后及世子之膳羞

亦主其饋之數不饋之耳歲終則會維

王及后世子之膳不會

不會計多少優尊者其頒賜諸臣則計之

庖人凡其死

生蠶薨之物以共王之膳與其薦羞之物及后世子之膳羞

此計數之薦亦進也備品物曰薦致滋味乃為羞王言薦者謂以不褻為尊鄭司農云鮮謂生肉薨謂乾肉

共祭

祀之好羞共喪紀之庶羞賓客之禽獻

詳宮聯考歲終則會唯王

及后之膳禽不會

膳禽四時所膳禽獻如世子可以會之

陳傅良曰王者以天

下為家豈容一家自為分異王后君之體也世子君之別也

秦漢以後侈心太過乃以少府自主天子之食中長秋主椒

房之食家令主宮中之食是則不免有私妄用而后世子各得以自侈矣 內饗掌王及后世子膳羞之制烹煎和之事

辨醴名肉物辨百品味之物割肆解肉也烹煮也煎和齊以五味醴名春有肩臂屬之屬肉

物裁燔之屬百品味庶羞之屬言百舉成數選百羞醬物珍物以俟饋共后及世

子之膳羞先進食之時恆選擇其中甸師帥其徒以薪蒸

役外內饗之事役謂給役也木烹人掌共鼎鑊以給水火

之齊職外內饗之爨辨膳羞之物鑊所以煮肉及魚腊之器既熟乃脅於鼎齊多少之

量職主也爨今之龜主於其龜煮物

禮書小司寇禋祀五帝實鑊水土師祀五帝汭鑊水少牢

饗人陳三鼎在羊鑊之西二鼎在豕鑊之西詩傳曰有足

曰釜又曰鬲釜屬說文曰江淮之間謂釜曰錡又曰鑊鑊

也鍤釜大口者又曰朝鮮謂釜曰鍤鬻大釜也一曰鼎上
 大下小若甑曰鬻爾雅曰窵足謂之鬻蓋鍤也鍤也釜也
 鬻也鍤也鬻也鍤也皆烹飪之器也鍤有足者也鬻
 空足者也鬻大釜也鍤釜口大者也詩以鍤釜湘菜以釜
 鬻烹魚周禮儀禮以鍤烹牲則鍤又大於釜矣

鹽人掌鹽之政令以共百事之鹽政令謂受人教所處置求者所當得王之膳

羞共飴鹽后及世子亦如之飴鹽鹽之恬者今戎鹽有焉凌人凡內外

饗之膳羞鑑焉凡酒漿之酒醴亦如之酒醴見溫氣亦失味酒漿酒人漿人也

塵人凡珍異之有滯者斂而入於膳府珍異四時食物也

將瘦癯腐敗為買之人膳夫之府所以紆民事而官不失實籩人為王及后世子共其

內羞凡籩事掌之於其飲食以共房中之羞醯人為王及后世子共其

有明桑之文故云非其次 王制庶人春薦韭夏薦麥秋薦

黍冬薦稻韭以卵麥以魚黍以豚稻以雁庶人無常牲取與新物相宜而已

取稻米舉糧漚之小切狼臠膏以與稻米爲醢狼臠膏應中膏也以

煎稻米則似今膏臠矣此周禮地名也此隨常從養 格物總論曰穀種之美者也其

爲種也不一考之前載有言三穀者粱稻菽是也有言五穀

者麻黍稷麥菽是也有言六穀者稻黍稷粱麥苽是也有言

九穀者稷粱稻麻大小豆大小麥是也有言百穀者又包

舉三穀各二十種者爲六十蔬果之實助穀各二十是也

禮書郊特性曰惟社丘乘共桑盛祭義天子爲藉千畝諸

侯百畝以爲醴酪桑盛祭統曰八簋之實生民詩曰誕我

祀如何或春或榆或鋹或蹂釋之叟叟烝之浮浮榆打日釋浙米

也言潤也又曰吉蠲爲饔又曰大糈是承春秋書御廩災穀

梁曰三宮米而藏之御廩范氏曰夫人親春公羊曰周公

盛穀也盛新也魯公黻故以新羣公廩財令半相連爾楚語曰

天子郊禘之事王后必自春其粢諸侯宗廟之事夫人必

自春其盛桓二年左傳曰粢食不盥昭其儉也周語曰廩

於藉之東南鍾而藏之晉語曰日入監九御使潔奉郊禘

之粢盛詩曰彼疏斯稗鄭氏曰疏糲米也米之率糲十稗

九鑿八侍御七九章算術粟率五十糲米三十稗二十七

鑿二十四御二十一言粟五斗爲米二斗四升細者窮於

御也爾雅釋草云粢稷也郭璞云今江東呼粟爲粢孔穎

達曰小宗伯辨六粢是諸穀亦名粢

八珍

瀉熬煎醢加於陸稻上沃之以膏曰瀉熬

瀉沃也熬亦煎也沃煎成之以爲名

瀉母煎醢加於黍食上沃之以膏曰瀉母

母讀曰模模象炮也作此象瀉熬

取豚若將刳之刳之實聚於其腹中編萑以苴之塗之以謹

塗炮之塗皆乾擘之濯手以摩之去其皽爲稻米糲洩之以

爲醢以付豚煎諸膏膏必滅之鉅鑊湯以小鼎薌脯於其中

使其湯毋滅鼎三日三夜毋絕火而后調之以醢醢炮者以

爲名也將當爲群群牡羊也封剡博異語也謹當爲謹聲之

也堪塗塗有穰草也釀謂皮肉之上魄莫也輕洩亦博異

香美也謂之脯者既去釀則解折其肉使薄如爲脯然唯豚

全耳豚羊入鼎三日乃內醢醢可食也孔穎達曰萑亂草

也苴裹也編連亂草以裹匝豚群裏之既畢塗之擘謂擘去

乾塗也于既擘泥不盡其肉又熱故濯手摩之去其皽模滅

沒也小鼎盛膏煎熬豚群膏必沒此豚群也大鑊盛湯以小

鼎之香脯入於大鑊湯中鑊中之湯毋得沒此小鼎若湯沒鼎恐湯入鼎中令食壞也毋絕火者欲令用火微熱勢不絕也

也擣珍取牛羊麋鹿麇之肉必胾每物與牛若一捶反側之

去其餌熟出之去其醎柔其肉胾脊側肉也捶擣之也餌筋

與醎醎漬取牛肉必新殺者薄切之必絕其理湛諸美酒期朝

而食之以醎若醎臆湛亦漬也陸佃為熬捶之去其醎編

挂布牛肉焉屑桂與薑以灑諸上而鹽之乾而食之施羊亦

如之施麋施鹿施麇皆如牛羊欲濡肉則釋而煎之以醎欲

乾肉則捶而食之熬於火上為之也今之火脯似矣欲濡欲

之法於牛如上所陳若施設於羊亦如牛也孔穎達曰作熬

唯人所欲若欲得濡肉則以水潤澤而煎之以醎也穆取

牛羊豕之肉三如一小切之與稻米稻米二肉一合以為餌

煎之此周禮肝膋取狗肝一轅以其膋濡炙之舉燠其膋不

舉或為巨

呂希哲曰上八珍者所謂珍用八物也據正文

瀉熬也瀉母也炮也擣珍也漬也熬也糝也肝腎也注疏非

是

六牲

六獸六禽

庖人掌共六畜六獸六禽辨其名物

始養之曰畜將用之曰牲

鄭司農云六獸麋鹿熊羆豕兔六禽雁鵝鴝雉鳩鴿元謂獸

人冬獻狼夏獻麋又內則無熊則六獸當有狼而熊不屬六

禽於禽獸及六犖宜為羔豚犢麋雉雁凡鳥

獸未孕曰禽司馬職曰大獸公之小禽私之

凡用禽獸春行

羔豚膳膏香夏行牀鱸膳膏臊秋行犢麋膳膏腥冬行鱸羽

膳膏臠

用禽獸謂煎和之以獻鄭司農云膏香牛脂也以牛

犬膏膏腥豕膏鮮魚也羽雁也膏臠羊脂也杜子春云膏臠

也羔豚生而肥犢與麋物成而充牀鱸燠熟而乾魚雁水

濁而性定此八物者得四時之氣充盛為人食之弗勝是以

用休廢之脂膏煎和膳之牛屬司徒土也雞屬宗伯木也犬

六也

屬司寇金也羊屬司馬火也

王安石曰膳用牛膏牛土畜也春木用事則

助養脾也膳用犬膏犬金畜也夏火用事則助養肺也膳用

雞膏雞木畜也秋金用事宜助養肝也膳用羊膏羊火畜也

冬水用事宜助養心也 內饗辨腥臊羶香之不可食者牛

夜鳴則庖羊冷毛而羶羶犬赤股而躁臊鳥鵪色而沙鳴狸

豕盲眊而交睫腥鳥黑脊而般臂蠅腥臊羶香可食者是別其不可食者則所謂者

皆臭味也冷毛毛長總結也鵪失色不澤美也沙漸也交睫腥腥當為星聲之誤也肉有如米者似星般臂臂毛有文鄭

司農云庖朽木臭也蠅蠅姑臭也杜子春云盲眊當為望視魏了翁曰鄉在靖州人或告

以屠所市豕肉不可食者問其故則云夜於星下飼豕則肉

上盡有星如米狀此不可食索而觀之信然 獸人掌罟田

獸辨其名物冬獻狼夏獻麋春秋獻獸物罟網也以網捕所當田之獸狼膏羶

麋膏散聚則溫散則涼以救時之凡祭祀喪紀賓客共其死

苦也獸物凡獸皆可獻也及低狸獸生獸完者凡獸入於腊人之當乾小宗伯毛六牲辨其名

物而頒之於五官使其奉之毛擇毛也鄭司農云司徒主牛

主大司內則獸用梅狼去腸狗去腎狸去正脊兔去尻狐

去首豚去腦陸佃曰臘腸直故去腸狗腎熱故去腎狸脊上

豕腦食之昏人精神故去腦玉藻君無故不殺牛大夫無

故不殺羊士無故不殺犬豕君子遠庖廚凡有血氣之類弗

身踐也故謂祭祀之屬踐當為少儀凡羞有俎者則於俎

內祭君子不食圉腴於俎內祭者俎於人為橫不得祭於間

也掌畜歲時共鳥物以四時來共膳獻之鳥雉及鴉

鵠鵠鵠醲之蓼魴鰔烝雛燒雉薌無蓼雛尾不盈握弗食

六典通考卷四十七

舒雁翠鵠鵠鵠舒鳧翠雞肝雁腎鵠與鹿胃舒雁鵠也翠尾肉也鵠鵠肝謂

鵠側薄肉也舒鳧鵠也鵠與脾肌也鵠或為鵠也公膳曰雙雞卿大夫膳食饗人竊更

之以鵠御者知之則去其肉而以其汋饋御進食者饗人御者欲使諸大夫怨

慶氏滅其膳蓋盧正義曰李巡曰野曰鳧家曰鵠郭璞曰鴨諸侯王何之謀

也然則謂之舒者舒遲也家養馴不畏人故飛行遲以遲別

野名耳其為鴨一也說文云汋灌釜也周禮士師職云祀五

帝則汋銀水鄭玄云汋謂增其沃汁也然則汋者添釜之名

禮書少儀曰君子不食困腴鄭康成曰惟煇者有膚則牛

羊有腸胃而無膚豕有膚而無腸胃豕雖有膚然四解而

未體折無膚豚而未成牲無膚士喪禮豚皆無膚以未成

牲故也既夕禮大遣奠少牢四解無膚以未體折故也士

虞禮膚祭三取諸左臚上

也臚臚

鄭康成曰膚脅革肉蓋豕

肉之美者不過脅革肉而已故禮於膚皆謂之倫膚東晉
所謂禁饑者豈此類歟公食大夫魚腸胃倫膚若九若十
有一下大夫若七若九蓋士一命故其數七小國之卿次
國之大夫再命故其數九大國之卿三命故其數十一公
食大夫膚與牲皆七而少牢膚與牲體皆九隆於祭禮故
也聘禮腸胃與膚不同鼎公食大夫腸與膚不同俎腸胃
常在先膚常在後者以腸胃出於牛羊膚出於下牲故也
公食大夫腸胃膚皆橫諸俎垂之少牢所俎腸胃皆及俎
拒蓋腸胃之長及俎拒膚則垂之而已

腊腊胎
臘臘胎

腊人掌乾肉凡田獸之脯腊臠胖之事

大物解肆乾之謂之乾肉若今涼州鳥翅

矣薄折曰脯挂之而施薑桂曰醢醢謂腊小物全乾

凡祭祀共豆脯薦脯臠胖凡腊物

腊非豆實豆當為羞聲之誤也鄭司農云臠膾肉鄭大夫云

胖謂為判社子春謂胖為版又云臠胖皆謂夾脊肉又云禮

家以胖為半體元謂公食大夫禮曰庶羞皆有此據肉

之所擬祭者也又引有司曰主人亦一魚加臠祭於其上此

據主人擬祭者臠與大亦一也內則曰麋鹿田豕膾皆有胖

足相參正也大者截之大髀臠者魚之反覆臠又詁曰大二

者同矣則是臠亦髀肉大髀胖宜為脯而腥胖之言片也

析肉意也禮固有腥臠醢雖其有為熟之皆先制乃亨

賓

客喪紀共其脯腊凡乾肉之事

內饗凡掌共脩刑臠胖骨

鱠以待共膳

共當為具義庶羞也脩鍛脯也胖如脯而腥者

骨有肉者元謂刑鱠羹也臠臘肉

外饗共其脯脩刑臠師

役則掌共其獻賜脯肉之事

獻謂酌其長帥

膳夫凡肉脩之頒賜

皆掌之也

脩脯

內則肉腥細者為膾大者為軒

言大切細切異名也膾者

必先解之所謂

或曰麋鹿魚爲菹麋爲辟雞野豕爲軒兔爲

宛脾切葱若薤實諸醢以柔之

此軒脾雞宛脾皆菹類也醢

氣今益州有鹿矮者近由此爲之矣菹軒脾而

少儀牛與

羊魚之腥聶而切之爲膾

聶之言腩也先菹葉切之復報切之則成膾

麋鹿爲菹

野豕爲軒皆聶而不切麋爲辟雞兔爲宛脾皆聶而切之切

葱若薤實之醢以柔之

此軒脾雞宛脾皆菹類也其作之狀以醢與葷菜淹之殺肉及腥氣也

孔穎達曰其牲體大者菹之其牲體小者齍之故麋鹿魚野

豕爲菹爲軒是菹也麋爲辟雞兔爲宛脾是齍也

禮書析而乾之曰脯全而乾之曰腊脯在籩腊在俎脯常

先於醢腊常亞於魚禮有薤腊有鮮腊有全腊有胖腊或

取以用或不用或取以祭或不祭或在庶羞或不在庶羞

或先舉魚後舉腊或先舉腊後舉魚聘禮賓之飪鼎九有魚腊鮮魚鮮腊上介飪鼎七無鮮公食大夫上大夫之俎九有魚腊加鮮魚鮮腊下大夫之俎七無鮮而昏禮腊必用鮮則用鮮者禮之所隆也少牢鼎腊一純特牲士冠昏之類皆用全士喪大斂士虞既夕胖而已則不用全者禮之所略也昏禮厥明婦饋舅姑特豚無魚腊既夕禮徹巾苞不以魚腊以非正牲故也公食大夫禮魚腊醬酒不祭以預正饌故也

若入庶羞則祭

公食大夫若不親食魚腊陳於碑

內有司徹升羊豚魚三鼎而無腊以在庶羞故也特牲後舉魚以三俎腊皆三舉故也少牢後舉腊魚皆一舉故也失腊之骨也如牲體卒塗之腊進祇未異於生也少牢之

腊進下異於生也其載之也上肩其舉之也以肩

鄭氏六體始於

正脊終於肩

昏禮腊肫髀不升喪禮腊髀亦不升而少牢祝俎

體屬於尻有司徹腊辨無髀則腊之賤髀亦與牲同矣禮

器曰大饗三牲魚腊則天子之腊田獸在焉儀禮大夫腊

用麋鄭康成曰士腊用兔

郊特牲曰大饗尚腍脩少儀

曰以其乘壺酒束脩一犬先儒謂薄析曰脯捶而施蠶桂

曰腍然則腍猶濁氏之冒脯也

食貨志注冒以椒薑

腍析而段之脩

則其體長矣脯之於禮可輕可重可用之於前可羞之於

後膳夫凡王祭祀賓客則有俎凡稍食則脯醢而已冠禮

三加有乾肉折俎始醢再醢則脯醢而已喪禮則大斂卒

塗朔月既夕士虞有牲體魚腊之俎小斂則特豚脯醢而

已以脯之魚腊俎爲輕故也大饗有腥熟尙股脩以禮賓
冠禮有牲俎取脯以見母昏禮賓取脯以授從者燕禮賓
執脯以賜鍾人又昏禮婦執股脩以見姑學者束脩以見
師以脯於禮爲重故也用之於前則冠禮始醺再醺之類
羞之於後則籩人加籩之實栗脯是也蓋脯割之也謂之
尹曲禮士虞所謂尹祭是也體之直也謂之脰士虞禮所
謂脯四脰是也脰亦作挺鄉飲禮曰薦脯五挺脰亦謂之
臠鄉射禮曰薦腊用籩五臠祭半臠臠長尺二寸鄉飲鄉
射大夫禮也故五挺士虞士禮也故四挺春秋時齊侯唁
昭公於野并以四挺脯蓋野禮之禮與

曲禮曰以脯脩置
者左胸右末儀禮

俎設於脯醢
東胸在南

骨體

內饗辨體名肉物

注見前

凡宗廟之祭祀掌割亨之事

外饗

掌外祭祀之割亨陳其鼎俎實之牲體魚腊

小子掌祭祀

羞羊肆羊殽肉豆

鄭司農云羞進也羊肆體薦全烝也羊殽體解節折也肉豆者切肉也元謂肆讀爲

易羊易者所謂豚解也

司士帥其屬而割牲羞俎豆

割牲制體也羞進也

諸

子大祭祀正六牲之體

正謂牝載之

少儀太牢則以牛左肩臂

燂折九箇少牢則以羊左肩七箇植豕則以豕左肩五箇斷

分也皆用左者右以祭也不言臂臠因牛序之可知

禮書肱骨三肩臂臠也股骨三肫

亦作膊音純

胙

亦作胾

前後裳脊骨三正脊脰脊橫脊也脅骨三代脅長脅

特牲又曰

幹脰脅也正脊之前則脇也

亦謂之脰

肫之上則髀也然則左

右肱之肩臂臑與左右股之肱腧骸而爲十有二脊骨三與左右脅骨六而爲九國語曰禘郊之事則有全胥王公立飫有房胥親戚燕飲有殽胥則全胥豚解也房胥體解也殽胥骨折也士喪禮特豚四髧去臠兩肱也肱脊既夕鼎實羊左胖亦如之然則四髧者殊左右肩髀而爲四又兩肱一脊而爲七此所謂豚解也士喪禮略豚解而已至虞然後豚解體解兼有焉士冠禮特豚載合升喪禮大斂亦豚合升則豚於吉凶之禮皆合升也用成牲者然後升其胖豚合升則髀亦升矣士喪禮載兩髀於兩端是也升其胖則去髀矣既夕禮實羊豕左胖髀不升是也既夕升羊豕左胖士虞升左胖公食大夫鄉射記少牢皆升右胖特

牲尸俎右肩蓋禮以右爲貴而喪以左爲上觀吉禮魚膾
右喪禮魚左首則喪之反吉可知矣少牢尸俎羊豕體十
一侑羊體四豕體三主人羊豕體各三主婦無豕體而羊
體三侑則左肩而已特牲尸之牲體九祝三主人與主婦
五佐食三賓一長兄弟及宗人折其餘如佐食俎單實而
下皆設胥尸脊無中胥無前此尊卑之辨也祭統曰商人
貴髀周人貴肩以周人之禮觀之胥貴中而賤兩端特牲食幹
鄭云骨貴右而賤左貴前而賤後貴上而賤下貴上則祭
不升髀以在體以左後故也賤下而苞取下體者以脛骨
可以久藏故也貴前而祭不用膾者以非體之正故也士
喪禮斂奠之俎載兩髀於兩端兩肩亞兩肱亞脊肺在中

少牢肩臂臠膊脔在兩端脊脅肺肩在上則俎之有上下
猶牲體之有前後也肩臂臠在上端則膊脔在下端矣喪
奠兩髀於兩端此喪事質猶用商禮故也特牲尸俎正脊
二骨長脅二骨胙俎亦正脊二骨長脅二骨少牢脊三脅
三背二骨以並蓋骨臂臠膊脔之骨不折所折者脊脅也
脊二以並多爲貴故也少牢脊則先正脊脅則先脰脅以
屈而綽之故也士虞禮尸舉魚腊俎俎釋三箇特牲佐食
盛胙俎俎釋三箇則士虞釋三箇者不盡人之歡也特牲
釋三箇者將以改饌陽厭也少儀凡膳告於君子太牢以
牛左肩臂臠折八箇少牢以羊左肩七箇犴豕以左肩五
箇膳以肩不以膊者貴其前也肩以左不以右者右以祭

也

魚臠

獻人掌以時獻為梁春獻王鮪辨魚物為鱻以飭王膳羞

月令季冬命魚師為梁鄭司農云梁水偃也偃水為魚以

也臠乾也凡祭祀賓客喪紀共其魚之鱻有疏取魚之法歲

後歲人入澤梁孝經授神契云陰用事木葉落獺祭魚是十

月取魚四也清之詩冬薦魚月令漁人季冬始漁五也是一

歲三時五取魚唯夏不取宣公夏蓋於淵以其非時里革

之諫內則魚去乙名乙在日旁狀如篆乙食之饌人不可出

方慤曰爾雅魚腸謂之乙餒自腸始故魚去乙少儀羞濡

魚者進尾辨之由後饌肉易離也乾魚冬右腴氣在下腴夏

右鮪氣在上祭臠臠大臠謂刻魚臠讀如咩

禮書魚之在俎或縮或橫或右首或左首或進首或進尾
或進鬻也或進腴或右鬻則右首左首者於俎爲縮於人
爲橫進首進尾者於俎爲橫於人爲縮公食大夫魚縮俎
寢右進鬻士喪卒塗之奠左首進鬻士虞亦進鬻少牢右
首進腴蓋鬻者體所在腴者氣所聚禮雖貴右人之飲食
貴體鬼神之祭貴氣也公食與少牢皆右首而喪禮左首
反吉故也少牢進腴公食進鬻而喪奠與虞進鬻未異於
生故也儀禮大夫士祭皆薨魚曲禮薨魚曰商祭鮮魚曰
庭祭少儀羞濡魚者進尾先儒謂天子諸侯之禮備薨濡
其說是也冬潛而趨陽乎下故腴美夏躍而趨陽乎上故
鬻美所尙在時與公食大夫少牢之所進者異矣儀禮魚

皆縮於俎而少牢獻祝魚一橫載之有司徹尸俎五魚橫載之有主人皆一魚亦橫載之蓋少牢祝俎所載非一物也故橫之有司徹之橫載鄭康成云彌變於神是也有司徹尸有主人之魚皆加膾祭於其上少儀亦曰祭膾蓋膾大也公食大夫禮士羞庶羞皆有大則膾者特爲大饗以備祭者也士虞用鮓鮓少牢魚用鮓蓋大夫用鮓士虞或鮓或鮓 曲禮曰鼈魚曰商祭鄭氏曰商猶量也然鼈魚曰鱮鱮曰商祭則鱮與商豈擘斂之謂與籩人朝事之籩膾鮑魚鱮加籩之實菱芡栗膾則籩之所薦先魚而後脯矣

互物

子公而弗與也欲使指子公怒染指於鼎嘗之而出

齊和之宜

食醫掌和王之六食六飲六膳百羞百醬八珍之齊和謂凡

食齊眠春時溫飯宜羹齊眠夏時熱羹宜醬齊眠秋時涼醬宜飲齊

眠冬時寒飲宜凡和春多酸夏多苦秋多辛冬多鹹調以滑甘

各食其時味而甘以成之簡水火金木之載於土內凡會膳則曰棗栗飴蜜以甘之薑苴粉榆兔棫櫛瀹以滑之凡會膳

食之宜牛宜稌羊宜黍豕宜稷犬宜粱雁宜麥魚宜苽會成

其味相成鄭司農云稌秬也爾雅曰稌稻苽彫胡也凡君子之食恆放焉放猶依也鹽人

凡齊事鬻鹽以待戒令齊事和五味之事鬻鹽凍治之內則膾春用蔥秋

用芥豚春用韭秋用蓼芥芥也脂用蔥膏用薤脂肥凝者曰膏三牲

用藪藪煎菜蕒也漢律會稽獻焉爾雅謂之檉和用醯畜與家物自相和也獸用梅亦野物

用藪藪煎菜蕒也漢律會稽獻焉爾雅謂之檉和用醯畜與家物自相和也獸用梅亦野物

方慙曰蔥以氣達爲蔥於春物生爲宜芥以味辛爲介於秋
物成爲宜故膾用二物以和之韭性溫而生能久春所宜蓼
性辛而氣能散秋所宜故豚用二物以和之三牲肉體之大
者氣之所聚不能無毒故用藪之辛以散其毒焉和用醢謂
三牲也書曰若作和羹爾惟鹽梅皆酸也和之以收其味而
已 棗栗餽蜜以甘之薑薤枌榆免薤滷澹以滑之脂膏以
膏之謂用調和飲食也薑薤類也冬用薑夏用薤枌榆白日
枌榆免新生者薤乾也秦人澹曰滷齊人滑曰澹也
少儀凡羞有滷者不以齊齊和 凡齊執之以右居之於左

齊謂食羹醬飲
有齊和者也

和如羹焉水火醯醢鹽梅以烹魚肉燂之

以薪燂炊

宰夫和之齊之以味濟其不及以洩其過

濟益也
洩減也

君子食之以平其心

筵豆之實

筵人掌四筵之實

籩竹器如豆者其容實皆四升朝事之籩其實麴糝白黑

形鹽膾鮑魚鱠

實泉實也鄭司農云朝事謂清朝未食先進寒具口實之籩熬麥曰麴麻曰糝稻曰白黍

日黑黍鹽以為虎形謂之形鹽故春秋傳曰鹽虎形元謂以司尊彝之職參之朝事謂祭宗廟薦血腥之事形鹽鹽之似

虎者膾腥生魚為大饔餼者於福室中糗幹之出於江淮也饔者析幹之出東海王者備物近者腥之遠者乾之因其宜

也今河間以北煮種麥實之名曰逢饋食之籩其實棗栗桃燕人膾魚方寸切其腴以昭所貴

乾榛榛實

饋食薦孰也今吉禮存者特牲少牢諸侯之大夫饋食之禮乾榛乾梅也有桃諸

梅諸是其乾者榛似栗而小

加籩之實菱芡栗脯菱芡栗

脯加籩謂尸既食后亞獻尸所加之籩重言之者以四物為脯八筵菱芡也芡雞頭也栗與饋食同鄭司農云菱芡脯脩

羞籩之實糗餌粉養

羞籩謂若少牢主人主婦皆右之者故書羞籩之實糗餌粉養之羞於尸侑主人主婦皆右之者故書

養作茨鄭司農云糗熬大豆與米也粉豆屑也芡字或作養謂乾餌餅之也元謂此二物皆粉稻米黍米所為也合蒸曰

餌餅之曰養換者搗粉熬大豆為餌養之凡祭祀共其饗薦

羞之實薦羞皆進也未食未飲喪事及賓客之事共其薦饗

羞饗謂喪事之饗凡饗事掌之醢人掌四豆之實朝事之豆

其實韭菹醢醢昌本麋醢菁菹鹿醢茆菹麋醢醢肉汁也昌本昌蒲根切

之四寸為菹三醢亦醢也作醢及醢者必先膊乾其肉乃後

農云麋醢康舒醢醢或曰麋醢醬也有骨為醢無骨為醢菁

菹韭菹鄭大夫讀茆為茅茅菹茅初生或曰茆水草杜子春

讀茆為卵元謂菁蔓菁也茆莢葵也饋食之豆其實葵菹羸

醢脾析臠醢蜃蜃醢豚拍魚醢鼠蟻蟪蜋大蛤蜃蟻子鄭司農云脾析牛百葉也麋蛤也

鄭大夫杜子春皆以拍為膊謂脊也或加豆之實芹菹兔醢

深蒲醢醢筍菹雁醢筍菹魚醢芹楚葵也鄭司農云深蒲蒲

薄桑耳醢醢肉醬也筍水中魚衣故書雁或為鶉杜子羞豆

春云當為雁元謂深蒲蒲始生水中子筍箭萌筍竹萌

之實醢食糝食

鄭司農云醢食以酒醢爲餅糝食菜餼蒸元謂醢饗也內則云取稻米舉糝漉之小切狼

胹膏以與稻米爲糝又曰糝取牛羊豕之肉三如一小切之與稻米稻米二肉一合以爲餌煎之

禮書掌客凡諸侯之禮夫人致禮八籩八豆侯伯夫人致

禮八籩八豆子男夫人致禮六籩六豆禮器有以少爲貴

者諸侯相朝無籩豆之薦郊特牲鼎俎奇而籩豆偶陰陽

之義也籩豆之實水土之品也明堂位夫人薦豆籩儀禮

士冠禮再醢兩籩栗脯鄉射禮記大夫與則公士爲賓薦

脯用籩五臠祭半臠橫於上臠長尺二寸

脯用籩籩宜乾物臠猶脰也

士喪禮東方之禮兩籩無滕

滕緣也

聘禮有司堂上八豆設

於戶西西陳皆二以並東上韭菹其南醯醢屈西夾六豆

設於西墉下北上韭菹其東醯醢屈公食大夫六豆上大

夫兩豆士昏四豆士喪髡豆兩既夕四豆士虞四豆特牲
兩豆少牢四豆有司徹四豆周官籩人醢人有朝事饋食
之籩豆與加籩羞籩加豆羞豆凡二十有六祭祀如此則
饗食之禮豈過是哉禮器所謂天子之豆二十有六是也
諸公十有六諸侯十有二上大夫八下大夫六而少牢大
夫四豆蓋大夫食於公與祭於己者異矣周官掌客上公
豆四十侯伯豆三十有二子男豆二十有四而食皆稱之
先儒謂豆正羞食庶羞庶羞亦豆也公食下大夫六豆上大夫八豆聘禮致
饗餼於上大夫堂上八豆西夾六豆然則禮器之豆數用
數也掌客之豆數陳數也春秋時鄭享楚子加籩豆六品
晉享季孫夙有加籩蓋古者籩豆有加所以優尊之也豆

實菹醢者也而晏子豚肩不掩豆議其用小牲非必以豆
實豚也醢麇必乾折然後漬之非謂以豆實乾也鼎俎奇
而籩豆偶而鄉飲酒六十者三豆七十者四豆八十者五
豆九十者六豆數不皆偶此視年高下而隆殺之非常禮
也

酒式五齊三酒

酒正掌酒之政令以式法授酒材式法作酒之法式作酒既

巧月令曰乃命大酉秬稷必齊麴蘖必時湛餽必潔水凡爲

泉必香陶器必良火齊必得鄭司農云授酒人以其材公酒者亦如之謂鄉射飲酒以公事作酒者亦辨五齊之名

一曰泛齊二曰醴齊三曰盎齊四曰緹齊五曰沈齊泛者成

泛者然如今宜成醪矣禮猶醴也成而汁滓相將如今恬酒

矣豈猶翁也成而翁翁然蔥白色如今酇白矣緹者成而紅

赤如令下酒矣沈者成而滓沈如今造清矣自醴以上尤濁
醴酌者益以下差清其象類則然古之式法未可盡問杜子
春謂齊皆為粢又禮器曰縱酒之用元酒辨三酒之物一曰
之尚元謂齊者每有祭祀以度量節作之辨三酒之物一曰
事酒二曰昔酒三曰清酒鄭司農云事酒有事而飲也昔酒
事酒酌有事者之酒其酒則今之醇酒也昔酒祭祀之酒元謂
久白酒所謂舊醕者也清酒今中山冬釀接夏而成掌其
厚薄之齊以共王之四飲三酒之饌及后世子之飲與其酒
后世子不言饌其饋食不必具設之五止用醴凡祭祀以
為飲者取醴恬與酒味異也其餘四齊味皆似酒凡祭祀以
法共五齊三酒以實八尊大祭三貳中祭再貳小祭壹貳皆
有酌數唯齊酒不貳皆有器量酌器所用注尊中者數量之
益副之也次祭天地中祭宗廟小祭五祀齊酒不貳為尊者
質不敢副益也杜子春云齊酒不貳謂五齊以祭不益也其
三酒人所飲者益也弟子職曰周旋而貳唯謙之親元謂大
祭者王服大裘袞冕所祭也中祭者王服鷩冕毳冕所祭也
小祭者王服希冕元冕所祭也三貳再貳一貳者謂就三酒
之尊而益之也禮運曰元酒在室醴醕在戶粢醕在堂澄酒

在下澄酒是三酒也益之者以飲諸臣若今常滿
尊也祭祀必用五齊者至敬不尚味而貴多品
歲終則會

唯王及后之飲酒不會以酒式誅賞
誅賞作酒
酒人掌為

五齊三酒祭祀則共奉之以役世婦
世婦謂宮卿之官掌女

具酒人共酒因留與其
奚為世婦投亦官聯
凡事共酒而入於酒府
府入於酒正之

飲之酒酒
正當奉之
司尊彝凡六彝六尊之酌鬱齊獻酌醴齊縮酌

盎齊澆酌凡酒脩酌
故書縮為數齊為齋鄭司農云獻讀為

酌也脩酌者以水洗勻而酌也
儀儀酌有威儀多也澆酌者挹拭勻而

云徵當為縮齊讀皆為桑元謂禮運曰元酒在室醴醴在戶

縮酌用茅明酌也酸酒澆於清汁獻澆於酸酒益齊也郊特牲曰

酒於舊澤之酒也此言轉相沛成也獻讀為摩莎之莎齊語

之而和以明酌沛之以茅縮去滓也益齊差清和以清酒沛

取事酒之上也澤讀曰醒明酌清酒酸酒沛之皆以舊澤之

酒凡此四者謂用鬱齊朝用醴齊饋用盎齊諸禮運故玄

臣自酢用凡酒唯大事於大廟備五齊三酒禮運故玄

酒在室醴醖在戶粢醖在堂澄酒在下周禮五齊一曰泛齊

二曰醴齊三日盎齊四曰醕齊五日沈齊字雖異醖與盎澄與沈蓋同物也月令仲冬乃命大

酋秬稻必齊麴蘖必時湛熾必絜水泉必香陶器必良火齊

必得兼用六物大酋監之毋有差貸酒熟曰酋大酋者酒官

熟也湛漬也熾炊也火齊腥孰之謂也物猶事也差貸謂失

誤有善有惡也古者穫稻而漬米麴至春而爲酒詩云十月

穫稻爲此春禮書司尊辨朝踐用犧尊再獻用象尊皆有鬯蓋犧象所

實泛與醴也鬯尊所實盎以下也君西酌犧象夫人東酌

鬯尊君親制祭夫人薦盎盎齊況酌而宗婦執盎從夫人

薦涼水是鬯尊之所實者盎而盎之上泛醴而已則犧象

實泛醴可知也司尊彝言醴而不及泛言盎而不及緹沈鄭氏謂泛從醴緹沈盎則鬯之所實盎之下又可知也然則夫人酌鬯而薦盎則君制祭朝事之時也及君割牲饋食則夫人饋酒而已儀禮大夫尊兩甌於房戶之間士尊於戶東禮記鬯尊在阼犧尊在西此皆所酌而非所設也若夫玄酒在室醴醖在戶粢醖在堂澄酒在下此則設而弗酌也醴醖在戶而坊記言醴酒在室蓋有不同而其設亦異爾齊之作也始則其氣泛然次則有酒之體中則盎然而浮久則赤終而沈醴齊縮酌則以茅縮而後酌此記所謂縮酌用茅明酌是也盎齊浼酌則以酒浼而後酌此記所謂醖酌浼浼於清是也黍稷別而言之則稷曰粢曲禮

稷曰明粢是也合而言之皆曰粢禮凡言粢盛是也記於
醴齊言粢醴指其材爾鄭氏改粢爲齊誤也鄭氏又以明
酌爲事酒而澄酒或謂三酒或謂五齊於禮運則曰於酒正坊記儀禮
澄酒沈齊也於禮運則曰怡備五齊祘備四齊時祭備二齊朝用醴齊
饋用盎齊諸臣自酢用凡酒然記曰夫人薦盎則醴以上
君所酌盎以下夫人所酌而無君饋薦盎之禮矣酒正曰
凡祭祀以五齊三酒實八尊則中祭小祭皆備五齊而無
四齊二齊之制矣

四飲

五飲六飲

酒正辨四飲之物一曰清二曰醫三曰漿四曰醕清謂醴之
則所謂或以醕爲醴凡醴濁醕醕爲之則少清矣醫之字從
段從酉省也漿今之飲漿也醕今之粥內則有黍醕醕飲粥

稀者之清也鄭司農說以內則曰飲重醴稻醴清酒黍醴清酒梁醴清酒或以醴為醴漿水醴后致飲於賓客之禮有醫醴糟糟音聲與諸相似醫與醴亦相似文字不同記之者各異耳此皆一物

之致飲於賓客之禮醫醴糟皆使其士奉之

禮酒王所致酒也王致酒后致

飲夫婦之義醫醴不沸者沸曰清不沸曰糟后致飲無醴醫醴不清者與王同體屈也亦因以少為貴士謂酒人樂人奄漿人掌共王之六飲水漿醴涼醫醴入於酒府

王之六飲亦酒

正當奉之醴醴清也鄭司農云涼以水和酒也元謂涼今寒粥若糗飯雜水也酒正不辨水涼者無厚薄之齊共賓客之稍禮賓客者樂人所給亦六飲而已

共夫人致飲於

賓客之禮清醴醫醴糟而奉之

亦酒正使之三物有清有糟夫人不體王得備之禮飲醴

用樽者糟也不

凡飲共之

謂非食時

內則飲

目諸重醴稻醴清

糟黍醴清糟梁醴清糟

重陪也

糟醴也清酒也致飲

或以醴

為醴

黍醴

黍醴

黍醴

黍醴

黍醴

黍醴

黍醴

黍醴

黍醴

黍醴

黍醴

之閒名 諸為 王藻五飲上水漿酒醴酏上水水為上餘其次之

飲以水為主用米而將之乃有漿漢人謂之載將載之言載謂米汁相載也古者飲皆煮米為之利於養生後世以茶代飲雖云適口而損益相半矣

禮書少儀曰客爵居左其飲居右凡齊執之以右居之於

左齊謂食羹漿飲有齊和者也曲禮曰酒漿處右處羹之右此言酒若

其禮食則宜放公食大夫燕食之禮公食大夫飲酒漿飲俟

於東房漿飲也先言漿別於六飲也賓三飯宰夫執解漿

飲與其豐以進宰夫設其豐於稻酒在東漿在西是上大

夫庶羞酒飲漿飲庶羞可也士冠禮側尊一甌醴在服北

既冠贊者洗於房中側酌醴加柶覆之面葉冠者以柶祭

醴三乃醴賓以一獻之禮

醴賓不用枳者泝其醴內則曰飲重醴稻醴清糟黍醴清糟梁

醴清糟凡醴事賓者用糟文者用清

孟子曰簞食壺漿詩曰或以其酒不以

其漿莊子曰十漿之家五漿先饋內則重醴稻醴清糟黍

醴清糟梁醴清糟三醴皆有清糟則糟醴之濁者也醴內

則所謂或以醴爲醴醴內則所謂黍醴也醫內則所謂醴

也涼內則所謂醴也水涼之味薄非酒正之所辨酒在飲

中非用漿人之法內則無水涼亦以其薄而略之也夫飲

之齊必寒

飲齊風冬時

其設必重泝者爲清醇者爲糟糟用枳

清不用枳后致飲於賓客則醇者而已故酒正曰醫醴糟

則醫醴皆糟也夫人飲於賓客則有清焉故醫人曰清醴

醫則醴清而醫醴皆糟也夫人致三飲后致二飲屈於王

也漿人六飲始水玉藻五飲亦上水貴其本也六飲無酒
五飲有酒異代之禮也古者之於六飲用醴爲多鄭氏曰
五齊正用醴爲飲者醴恬與酒異也其飲四齊味皆似酒
其說是也

巾幘

婦人掌共巾幘

共巾可覆物

凡王巾皆黼

四飲三飲皆黼周尚武其用文德則黻可

特牲饋食禮筵巾以綌也綌裏

筵有巾者果實之物多皮核優尊者可絜裏之也舊

說云纁裏者皆元被

曲禮爲天子削瓜者副之巾以綌爲國君華之

巾以綌

副析也既成又四析之乃橫斷之而巾覆焉中裂之不四析也

史浩曰祭祀巾用

布則王巾可知堯舜飯土墻啜鉶羹以天地宗廟之奉不過
陶匏而已後世天地宗廟之器未之有改而王所自奉者金

玉文繡也黼巾不用而龍髻火浣進矣

禮書燕禮公尊羶用裕若錫大射羶用錫若絺士喪羶用

功布士虞祔用絺鄉飲酒上昏特性羶皆用裕少牢合尊

用裕以鄉蓋人君尊也故燕與大射之羶若錫冬夏

異也人臣卑也蓋鄉飲昏喪祭之羶用葛而已冬夏同也

然士冠禮禮賓贊禮禮婦聘禮禮賓皆用醴而無羶以醴

質故也醴用酒亦無羶從禮子之質故也燕禮君尊有羶

方壺圓壺無羶卑屈於尊故也昏禮尊於室內有羶尊於

房戶外無羶賤屈於貴故也若夫鄉飲與射則無所屈焉

故皆有羶大射之禮羶綴諸箭則異於他羶矣士昏醢醬

二豆菹醢四豆兼巾之士喪籩豆用布巾士昏笄緇被繡

裏聘禮竹簠方玄破纁有司徹簠有蓋釋然則釋巾不特
施於尊彝簠簋豆皆有之也釋人凡王巾皆黼則諸侯
大夫士之巾不盡黼矣

獻賜

膳夫凡肉脩之頒賜皆掌之凡祭祀之致福者受而膳之以

擊見者亦如之

鄭司農云脩脯也後鄭謂致福爲諸臣祭祀進其餘肉歸於王又云膳夫受之以給王

膳以羔雁雉爲擊見者亦受以給王膳

司士掌擯士者膳其擊

膳者入於王之膳人

內饗凡王之好賜肉脩則饗人共之

好賜王所善而賜也

外饗師役

則掌其其獻賜脯肉之事

獻謂酌其主帥

曲禮獻米者操量鼓獻

執食者操醬齊

量鼓量器名操者舉以告

少儀其以乘酒束脩一犬賜

人若獻人則陳酒執脩以將命亦曰乘壺酒束脩一犬以其

鼎肉則執以將命其禽加於一雙則執一雙以將命委其餘
陳重者執輕者便也乘壺四壺也酒謂清也糟也不言陳大
或無脩者牽犬以致命也於卑者曰賜於尊者曰獻鼎肉謂
牲體已解可升於鼎加猶多也爲已祭而致膳於君子曰膳凡膳告於君子
主人展之以授使者於阼階之南南面再拜稽首送反命主
人又再拜稽首

致福曰膳致祭祀之餘於君子攝
主言致福中其辭也展省具也

禮書左氏稱劉康公成肅公會晉侯伐秦成子受賑於社
不敬劉子曰國之大事在祀與戎祀有執膳戎有受賑神
之大節也王使宰孔賜齊侯胙曰天子有事於文武使孔
賜伯舅胙齊侯下拜登受宋成公如楚還入鄭鄭伯將享
之問禮於皇武子對曰宋先代之後也於周爲客天子有
事膳焉孔子曰非祭肉不拜祭肉不出三日出三日不食

之矣孟子曰孔子於魯膾肉不至不稅冕而行周禮膳夫
祭祀之致福者受而膳之都宗人凡都祭祀致福於國家
宗人凡祭祀致福亦謂之致膳致膳以肩不以膊貴其前
也肩以左不以右右以祭也用葷桃茢祓不祥也王藻曰
去茢桃茢於大夫
去茢於士去葷拜送拜反重其禮也受而膳之同其福
也春秋魯天王使石尙來歸脤穀梁曰石尙欲書春秋請
行脤貴復正也考之春秋天子之大夫稱官若字士稱名
石尙士也故名之行脤雖正然諸侯非助祭而歸之則祭
肉其能均乎何休謂魯不助祭而歸之故譏其說是也玉
藻言膳於君大夫士者致福之膳也非致福之膳則無事
於桃茢鄭氏以膳爲凡美食誤也致福致膳吉禮也耐鍊

之胙則曰吉而已顏淵之喪饋羊肉孔子彈琴而後食此吉肉也

論曰先王之爲飲食也順天地四時五行之宜審水草禽魚百物之性節其有餘濟其不足非獨以供一人口腹之欲而已內自后世子外達於公朝之卿大夫下至邦之耆老孤子莫不推王之所養以養之而又潔旨以交於神明備禮以致諸賓客是以人神交暢上下咸和有醉飽懽欣之趣而無疾疫災沴之患今大雅所載行葦鳧鷖假樂諸詩是其應也後世帝王自養之意過多養人之惠則少至宋王安石假周官以惑主動稱天子百有二十品之文以爲一物不備不可以食其後蔡京

秉政又援惟王不會之說以廣人主之侈心而耗天下之物力故六經之書君子得之以行其道小人借之以售其姦彼蔡京者固不足論如劉歆王安石皆湛然儒者之經術而用心一偏害及生民得罪於天下後世斯則先王制作之初所不及料也

六典通考卷四十八

湖西閻鎮珩輯

膳飲考

食禮通論

公食大夫禮凡二十豆腳一牛臠也臠二羊臠也臠三豕臠也牛炙四也牛肉也四物爲一行在最北從西爲始醢五肉醬也牛胾六謂切牛肉醢七牛膾八四物爲第二行從東爲始羊炙九羊胾十醢十一豕炙十二四物爲第三行從西爲始醢十三豕胾十四芥醬十五魚膾十六四物爲第四行從東爲始此十六豆下大夫之禮也雉十七兔十八鶉十九鶩二十四物爲五行從

西爲始此上大夫之加豆也諸侯燕食二十六物蝸一
苾食二雉羹三麥食四脯羹五雞羹六折稌七犬羹八
兔羹九濡豚十濡雞十一濡魚十二濡鼈十三股脩十
四臠醢十五兔醢十六麋膚十七魚醢十八魚膾十九
芥醬二十麋腥二十一醢二十二醬二十三桃諸二十
四梅諸二十五卵鹽二十六諸侯庶羞三十一牛脩一
鹿脯二田豕脯三麋脯四麇脯五麋軒六鹿軒七田豕
軒八麇軒九雉芼十兔芼十一爵十二鷄十三蜩十四
范十五芝栭十六菱十七棋十八棗十九栗二十榛二
十一柿二十二瓜二十三桃二十四李二十五梅二十
六杏二十七楂二十八梨二十九蠶三十桂三十一天

子庶羞多不惟三十一物而已

膳夫王燕食則奉膳贊祭

燕食謂日中與夕食奉膳贊祭者牛肉

賈公彥

曰天子諸侯朝皆祭肺日中與夕皆祭牛肉一牢分爲三時

故日中與夕奉以朝之餘膳也

玉藻天子皮弁以日視朝

遂以食日中而餽奏而食日少牢朔月大牢

餽食朝之餘卒也奏奏樂也

食玄端而居

天子服玄端燕居也

諸侯又朝服以食特牲三俎祭肺夕

深夜祭牛肉

祭牛肉異於始殺也天子言日中諸侯言夕天子言餽諸侯言祭牛肉互相挾

朔月少

牢五俎四簋

五俎加羊與其腸胃也朔月四簋則日食梁稻各一簋而已

子卯稷食菜羹

忌日夫人與君同庖

不特殺也

孔穎達曰以此而推天子朔月大

牢當六簋黍稷稻粱麥苽各一簋若盛舉則八簋故小雅陳

饋八簋當加以稻粱此常食也若禮食則兼用簋數更多公

食大夫禮簋盛稻粱下大夫六簋上大夫八簋周禮掌客上公簋十侯伯八子男六簋則俱十二其祭禮則天子八簋故祭統云八簋之實注云天子之祭八簋然則諸侯六簋祭統諸侯禮云四簋黍稷者見其徧於廟中不云六簋二簋畱之厭故也大夫祭則當四敦少牢禮是也士則二敦特牲禮是也其諸侯與大夫食亦四簋故秦詩云每食四簋 肆師饗食授祭授賓祭肺 疏饗者烹大牢以飲賓獻依命數食者亦烹大牢以食賓舉依命數云授祭者祭謂祭先造食者案膳夫云授王祭則此授祭者非授王祭可知故鄭云授賓祭肺也

禮書儀禮少牢舉肺祭肺三皆切之舉肺謂之離肺亦謂之臠肺祭肺謂之剝肺亦謂之切肺離與剝以制之名之也臠與切以所用名之也祭肺祭而不臠舉肺臠而必祭

儀禮尸俎胙俎以至主婦佐食賓長兄弟宗人眾賓及眾兄弟內賓宗婦公有司之俎皆離肺一則祭肺三者施於尸主人主婦之按祭也離肺一者自尸至公有司食之也少儀曰牛羊之肺離而不提心離而不提心則絕而祭之故扱手則刲而祭者不扱手矣祭以右手見鄉射凡祭必於脯醢之豆間特公食大夫有司徹祭於上豆之間以豆數多故也祭之尙肺周禮而已有虞氏則祭首夏后氏則祭心商則祭肝時異則禮異也周之尙肺宗廟賓客飲食之間而已五祀則尸先脾中霤先心門先肝事異而禮異也士冠有膾肺而鄉飲鄉射燕禮之類皆有離肺而無祭肺婚禮有離肺又有祭肺鬼神陰陽之意也特牲饋食先祭

肺後祭肝祝亦先祭肺後祭肝則祭肺非不祭肝以肺爲主耳夏商非不祭肺以心與肝爲主而已

禮器天子之豆二十有六諸公十有六諸侯十有二上大夫八下大夫六諸侯七介七牢大夫五介五牢天子之席五重諸侯之席三重大夫再重豆之數謂天子朔食諸侯相食及房薦豆六設於饗東此食下大夫而豆六則其餘著矣聘禮致饗饋於上大夫堂上八豆設於戶西則凡致饗饋堂上之豆數亦如此周禮公之豆四十其東西夾各十有二侯伯之豆三十有二其東西夾各十子男之豆二十有四其東西夾各六諸侯七介七牢者周之侯伯也大夫五介五牢者侯伯之卿使聘者也周禮上公九介九牢侯伯七介七牢子男五介五牢聘義所云上公七介侯伯孔穎達曰皇氏云天子席五介子男三介乃謂其使者也

羞百二十品饗豆各六十今云二十六者說堂上數也堂下東西夾各十七兩十七合三十四三十四就二十六故合六

十也今案禮有正羞庶羞故公食大夫禮設韭菹醯醢六豆設於醬東是正羞也將食士羞庶羞設於稻南腍臠牛炙之等十六豆謂之庶羞又掌客云公豆四十又云食四十則豆盛正羞食謂庶羞也故鄭注掌客云食者其庶羞美可食者是庶羞與正羞別此上大夫八豆下大夫六豆皆爲正羞而天子二十六豆亦爲正羞故熊氏以爲正羞醢醢百二十

饗之等但不知堂夾若爲陳列皇氏以爲庶羞其義非也

天子適諸侯諸侯膳以饋諸侯相朝灌用鬱鬯無籩豆之薦

大夫聘禮以脯醢天子一食諸侯再大夫士三食力無數

也一食再食三食謂告飽也食力謂工商農也

內則羹食自諸侯以下至於庶人

無等大夫無秩膳大夫七十而有閣天子之閣左達五右達

五公侯伯於房中五大夫於閣三士於坵

羹食食之主也庶羞乃異耳秩

常也無秩膳謂五十始命未甚老也七十有閣有常膳也閣以版爲之度食物也達夾室大夫言於閣與天子同處天子

二五倍諸侯也五者三牲之肉及魚腊也

孔穎達曰崔氏云宮室之制中央爲正

室正室左右爲房房外有序序外有夾室天子尊庖廚遠故

左夾室五閣右夾室五閣諸侯卑庖廚宜稍近故於房中減

殺於天子唯在一房之中而五閣也大夫既卑無嫌故亦於

夾室而閣三也三者豕魚腊也士卑不得作閣但於室中爲

上坵戔食也

大夫燕食有膾無脯有脯無膾士不貳羹戔

庶人耆老不徒食

尊卑差也

禮書天子一食諸侯再大夫士三一食卽一飯也士九飯

大夫十一飯則飯以九與十一而又加者也正飯致其隆

故貴多加飯嫌於瀆故貴少此飯禮所以不同也鄭氏曰
士九飯大夫十一飯其餘有十三飯十五飯而賈公彥謂
十三飯諸侯禮十五飯天子禮理或然也

膳夫王日一舉鼎十有二物皆有俎

殺牲盛饌曰舉王日一舉以朝食也后與王同

庖鼎十有二牢鼎九陪鼎三物謂牢鼎之實亦九俎

賈公彥曰聘禮注云飪一牢鼎十

有二牢鼎九在西階前牛羊豕魚腊腸胃同鼎膚鮮魚鮮腊

陪鼎三者內兼腍臠臠牢鼎之實卽牛羊豕之類也陪鼎謂

庶羞在豆唯牢鼎之物各在俎故云亦九俎案趙商問王日

一舉鼎十有二是爲三牲備焉商案玉藻天子日食少牢朔

月大牢鄭答云禮記後人所集據時而言或以諸侯同天子

王制之法與禮違者多當以經爲正

王齊日三舉

鄭司農云齊必

饗大喪則不舉大荒則不舉大札則不舉天地有裁則不舉

邦有大故則不舉

大荒凶年大札疫癘也天裁日月晦食地

刑殺也春秋傳曰司

寇行戮君爲之不舉內饗王舉則陳其鼎俎以牲體實之

取於錢以實鼎取於鼎以

實俎實鼎曰香實俎曰載醯人王舉則共醯六十饗以五

齊七醯七菹三醢實之

醯人王舉則共齊菹醢物六十饗

齊菹醬醢醢人

者皆須醯成味楚語王問於觀射父曰祀牲何及對曰祀

加於舉天子舉以大牢祀以會諸侯舉以特牛祀以大牢卿

舉以少牢祀以特牛大夫舉以特牲祀以少牢士食魚炙祀

以特牲庶人食菜祀以魚上下有序民則不慢 玉藻至於

八月不雨君不舉

爲旱變也此謂建子之月不雨盡建未月

於秋秀實之時而無雨則雩雩而得之則書

雩雩祀有益也雩而不得則書旱明災成穀梁傳大侵

之禮君食不兼味

左傳司寇行戮君爲之不舉

去盛饌

白

虎通王者所以日四食何明有四方之物食四時之功也四方不平四時不順有徹樂之法焉所以明至尊著法戒也王平居中央制御四方平旦食少陽之始也晝食太陽之始也晡食少陰之始也暮食太陰之始也論語曰亞飯干適楚三飯繚適蔡四飯缺適秦諸侯三飯卿大夫再飯尊卑之差也禮保傅曰王失度宰夫徹其膳宰所以徹席何陰陽不調五穀不熟故王者爲不盡味而食之禮曰二穀不升不備雞鶩二穀不升不備三牲

右舉鼎俎

禮書士虞禮有上鼎中鼎下鼎有司徹司馬

舉羊鼎司士舉豕鼎魚鼎鼎之體有大小侈弇之別而其

用有牛羊豕魚之異天子諸侯有牛鼎

後漢書曰函牛之鼎

大夫羊

鼎士豕鼎魚鼎而已上得兼下下不得兼上周官膳夫王

日一舉鼎十有二掌客諸侯之禮鼎皆十二聘禮賓之殮

饗皆飪一牢鼎九而殮腥一牢鼎七饗腥二牢鼎二七上

介殮饗皆飪一牢鼎七而饗腥一牢鼎七眾介殮少牢飪

鼎五大夫少牢五鼎士特牲喪禮三鼎既夕五鼎而掌客

聘禮諸侯與卿之鼎過於王之數士既夕之鼎過於特牲

之制何也聘禮陳鼎也王之日舉食鼎也特牲庸禮也既

夕斯須禮也所謂陪鼎羞鼎皆鉶鼎也鉶鼎所以實羹人

祭祀賓客共鉶羹鉶羹所以具五味其芼則藿牛苦羊穢豕其臭

則脚牛膻羊臊豕自羹言之曰鉶羹自器言之曰鉶鼎以

陪正鼎曰陪鼎以爲庶羞曰羞鼎其實一也王日食九鼎

而陪鼎三公食大夫七鼎而鉶鼎四

宰夫設四
鉶於豆南

掌客上公

鉶四十有二諸伯鉶二十有八子男鉶十有八聘禮之賓

飧饗之羞鼎皆三上介飧饗之羞亦三少牢佐食設羊鉶

豕鉶特牲主婦設兩鉶然公食大夫之鉶多於王日食以

公食者眾故也聘介之鉶同於賓以王鼎殺故也周官亨

人掌共鼎鑊以給水火之齊少牢饗在廟外之東三鼎在

羊鑊之西二鼎在豕鑊之西則牲體皆亨於鑊然後肉胾

之鼎而羹納之鉶登

大羹在登

則鑊者釜錡之總名也舊圖天

子之鼎飾以黃金諸侯飾以白金容一斛大夫羊鼎飾以

銅容五斗士豕鼎飾以鐵容三斗而牛羊豕鼎各狀其首

於足上若然魚鼎腊鼎豈皆狀以魚腊乎士饗禮陳鼎於
寢門外西面士虞陳鼎於門外之右北面鼎入設於西階
前東面特牲陳鼎於門外北面鼎入當阼階東面則鼎固
有面矣其詳不可得而知

膳夫以樂侑食膳夫授祭品嘗食王乃食

侑猶勸也祭謂割肺脊也禮飲食必

祭示有所先品者每物皆嘗之道尊者也卒食以樂徹於造

造謂造作也鄭司農云造謂食之故所居處也

已食徹

賈公彥曰玉藻云火孰者先君子鄭注云備火齊不

得也故膳夫品物皆嘗之凡祭皆祭先造食者曲禮云殺之

序徧祭之天子徹食作樂樂章未聞惟祭祀雍以徹造後鄭

云作也先鄭云徹置造食之處即廚也

大司樂王大食三

宥皆令奏鐘鼓

大食朔日月半以樂宥食時也宥猶勸也

王制天子日食以樂

王藻年不順成則天子素服乘素車食無樂

自貶損也

宋人謂天子大食奏鐘鼓常食無鐘鼓考左傳向魋之亂宋公欲召向巢聞鐘聲曰夫子將食則國君以上可知

大行人上公食禮九舉諸侯食禮七舉諸子食禮五舉

舉謂樂

也

論語亞飯干適楚

亞次也次飯樂師也

三飯繒適蔡四飯缺適秦

包曰三飯四飯樂章名各異師繒缺皆名也

曲禮歲凶年穀不登君膳不祭肺

大夫不食梁士飲酒不樂

皆自為貶損憂民也禮食殺牲則祭先有虞氏以首夏后氏以心殷

人以肝周人以肺不祭肺則不殺也天子食日少牢朔月大牢諸侯食日特牲朔月少牢梁加食也不樂去琴瑟

郊特牲饗禘有樂而食嘗無樂陰陽之義也凡飲養陽氣也

凡食養陰氣也故春禘而秋嘗春饗孤子秋食耆老其義一

也而食嘗無樂言義同而或用樂或不用樂也此禘飲養陽
氣也故有樂食養陰氣也故無樂凡聲陽也疏夏家養老用
食之禮殷人養老以食禮而秋時不作樂無春饗之禮周人
修而兼用之則周人養老春夏用饗禮秋冬用食禮四時皆
用樂故文王世子云凡大合樂必遂養老老注云春合舞秋合
聲下云養老之禮遂發詠焉登歌清廟是秋時養者亦用樂
也

右樂侑 樂書古者飯必告飽告飽必侑特牲三飯告飽
而侑則九飯三侑矣荀卿大戴皆言三侑之不食則以樂
侑食至於三禮之大成也傳曰王者飲食有食舉之樂所
以順天地養神明求神應蓋本諸此文王言三王五帝有
勸戒之器名侑卮而荀卿有宥坐之器釋者所謂宥與侑
同則知大司樂與膳夫不害字異而實同也春秋傳饗禮

皆曰侑與此同意荀卿以三宥爲三臭誤矣 禮書侑禮
有拜以致其敬有辭以道其勤有樂以樂其心特牲尸告
飽祝侑主人拜少牢尸告飽主人拜侑此拜以致其敬也
少牢祝侑曰皇尸未實侑此辭以道其勤也大祝逆尸令
鐘鼓侑亦如之此樂以樂其心也然特牲三飯告飽而侑
少牢七飯告飽而侑則九飯三侑飯寡而侑多十一飯再
侑飯多而侑寡蓋禮殺者儀蹙禮隆者儀紆故也賈公彥
謂諸侯九飯而侑天子十一飯而侑理或然也然以論語
考之每飯異樂每樂異工則侑固多矣蓋有每飯之侑有
終食之侑每飯之侑一工而已終食之侑禮之大者也

大祝辨九祭一曰命祭二曰衍祭三曰炮祭四曰周祭五曰

振祭六曰擗祭七曰絕祭八曰繚祭九曰共祭九祭皆謂祭食者命祭者

王藻曰君若賜之食而君客之則命之祭然後祭是也衍字當為延炮字當為包聲之誤也延祭者曲禮曰客若降等執

食與辭主人與辭於客然後客坐主人延客祭是也包猶兼也兼祭者有司曰宰夫贊者取白黑以授尸尸受兼祭於豆

祭是也周禮徧也徧祭者曲禮曰殷之序徧祭之是也振祭擗祭本同不食者擗則祭之將食者既擗必振乃祭也絕祭

緣祭亦本同禮多者擗之禮略者絕則祭之共玉藻唯水

簋投也王祭食宰夫授祭幸經說曰共綏執授漿不祭若祭為已俵卑水漿非盛饌也已猶太也祭之少

儀凡羞有俎者則於俎內祭俎於人為橫不小子舉爵則坐

祭立飲卑不得與賓介牛羊之肺離而不提心提猶絕也對

央少者使祭羞首者進喙祭耳耳出取俎進俎不坐以其有

者易紀耳其有折俎者取祭反之不坐燔亦加之亦為柄尺之類

日賓奠爵於薦西取肺坐絕祭尸則坐尸尊也少牢饋食禮

左手膺之興加於俎坐脫手尸左執爵右兼取

肝肺濡於俎鹽振

曲禮餽餘不祭父不祭子夫不祭妻人

之餘曰餽餽而不祭唯此類

朱子曰禮君賜腥則熟而薦之

以爲榮若賜熟食則恐是餽餘故不以祭妻子雖卑於已然

既沒則以神道接之故亦不以祭也 論語雖疏食菜羹瓜

祭必齊如也

孔曰齊嚴敬貌三物雖薄祭之必敬

玉藻瓜祭上環食中棄所

操上環頭

朱子曰頭忖謂堯頭所切一環也以其所生之本

味最甘美又先斷而不污故以爲祭中者中環也亦甘且潔

故以奉尊者所操下環爲手所持處以其味薄而不潔故棄

之而不食也

右食祭通禮 朱子曰古人飲食每種各出少許置之豆

間之地以祭先代始爲飲食之人不忘本也

膳夫凡王祭祀賓客食則徹王之胾俎

膳夫親徹胾俎最尊也其餘則其屬

徹之賓客食而王有胾俎王與賓客禮食主人飲食之俎皆為胾俎見於此矣

賈公彥曰王與賓客

禮食於廟賓在戶牖之間王在阼階上各有饌皆設俎故亦

有胾俎皆膳夫徹之也王與賓客相答酢故遣膳夫親徹其

餘明非王胾俎則其屬徹之可知公食大夫主君與聘大夫

禮食賓前有食君前無食退俟於廂今此天子與諸侯禮食

王前有食俎者天子於諸侯其禮異於諸侯與聘大夫郊

特牲諸侯適天子天子賜之禮太牢

疏熊氏云太牢者掌客云股膳太牢皇氏云包

饔餼積之等雖牢數

左傳諸侯之會事既畢矣侯伯致

禮地主歸餼

侯伯致禮以禮賓也地

坊記子云敬則用祭

器

祭器籩豆簋鉶之屬也盛盂之屬為燕器則用之謂饗食也

故君子不以菲廢

禮不以美沒禮故食禮主人親饋則客祭主人不親饋則客
不祭故君子苟無禮雖美不食焉 曲禮凡進食之禮左

右哉食居人之左羹居人之右 皆便食也殺骨體也殺切肉

近也飯在膾炙處外醯醬處內 飯切之外內也近醯醬

處末 末者殊也處醯醬之左酒漿處內 若羹耳兩有之則左

祭右酒此大夫士與賓客燕食之以脯脩置者左胸右末

禮其禮食則宜放公食大夫禮云以脯脩置者左胸右末 便

於客然後客坐 復主人延客祭 延道也祭祭先也君子有事

祭祀祭所先進 主人所先進祭之如其次 殺之序徧祭之 謂殺

也以其本出於牲體也公食 三飯主人延客食載然後辨殺

大夫禮魚腊涪醬不祭也 先食載後食殺 殺尊也凡 主人未辨客不虛口 俟主人也虛

食殺辨於肩食肩則飽也 主人未辨客不虛口 口謂醕也客

自敎以上其脯不待主

呂大臨曰據此章所陳饌與辭遜之

節雖與公食大夫禮少有不同其大略無甚異疑即大夫士

與賓客禮之節也

玉藻客祭主人辭曰不足祭也

祭者盛主人之

饌也客殯主人辭以疏

殯者美主人之食也疏之言饗也

主人自置其醬則客

自徹之

敬主人也徹莫於序端

一室之人非賓客一人徹

同事合居者也賓客則各

徹其壹食之人一人徹

壹猶聚也為赴事聚食也

凡燕食婦人不徹

禮簡

凡侑食不盡食食於人不飽

謙也

右食賓客通禮

進食禮附

曲禮羹之有菜者用挾其無菜者

不用挾

挾猶箸也今人或謂箸為挾提

為天子削瓜者副之巾以絺

副析也既

削又四析之乃橫

為國君者華之巾以綌

夫累之

累俛也謂不巾覆也

士寔之

不中裂橫斷去寔而已

庶人斲之

不橫一

玉藻食棗桃李弗致於核恭也凡食果實者後君子陰陽所成非人

也火孰者先君子備火齊不得也爲君子擇蔥薤則絕其本末

玉藻若賜之食而君客之則命之祭然後祭雖見賓客猶不敢備禮也侍食

則正先飯辯嘗羞飲而俟俟君食而後食也君將若有嘗羞

者則俟君之食然後食飯飲而俟不祭侍食不敢備禮也不嘗羞膳宰存也飯飲利將

也君命之羞羞近者味也命之品嘗之然後唯所欲必先偏

凡嘗遠食必順近食從近始也君未覆手不敢飧覆手以循俎已

君既食又飯飧不敢先飯飧者三飯也臣勸君食如是可也君先徹執

飯與醬乃出授從者食於尊者之前當親徹也君若賜之爵則越席再拜

稽首受登席祭之飲卒爵而俟君卒爵然後授虛爵不敢先

君子之飲酒也受一爵而色灑如也灑如肅敬貌二爵而言

言斯

言言和敬貌斯猶耳也

禮已三爵而油油

敬貌說

以退

禮飲過三爵則敬殺

可以

退則坐取屨隱辟而后屨坐左納右坐右納左

隱辟俛遠巡而

去矣

士相見禮若君賜之食則君祭先飯徧嘗膳飲而俟

君命之食然後食

君祭先飯食其祭食臣先飯示為君嘗食也此謂君與之禮食膳謂進庶羞既嘗膳

羞則飲俟君之徧

若有將食者則俟君之食然後食

將食謂進食謂

膳宰也膳宰進食則臣不嘗食

若君賜之爵則下席再拜稽

首受爵升席祭卒爵而俟君卒爵然後授虛爵

受爵者於尊所至於授爵

坐授人耳必俟君卒爵者若欲其

退坐取屨隱辟而后屨君

為之興則曰君無為興臣不敢辭君若降送之則不敢願辭

遂出

謂君若食之飲之而退也隱辟俛而遂巡與起

大夫則

辭退下比及門三辭

降猶下也

曲禮御食於君君賜餘器之概

者不寫其餘皆寫

重汚辱君之器也。澆謂陶梓之器不澆謂
荏竹之器也。寫者傳己器中乃食之也。勅

御日

左傳晉侯以魏絳爲能以刑佐民矣反役與之禮食

使佐新軍

羣臣旅會今欲顯絳故特爲設禮食

衛獻公戒孫文子甯惠子食

勅戒二子

皆服而朝

服朝服待命於朝

日盱不召

盱晏也

而射鴻於囿

二子從之

從公於囿

不釋皮冠而與之言

皮冠田獵之冠既不釋冠又不與食正義

正義

曰君之於臣有禮食宴食儀禮公食大夫禮者主國之君食

聘賓之禮也其食己之大夫亦當放之而迎送答拜之儀有

差降耳

論語君賜食必正席先嘗之君賜腥必熟而薦之

君賜生必畜之

言食恐或餒餘故不以薦正席先嘗如對君也
言先嘗則餘當以願賜矣腥生肉熟而薦之

祖考榮君賜也畜之者仁

侍食於君君祭先飯

周禮王日一舉膳夫投祭

品嘗食王乃食故侍食者君祭則己不

祭而先飯若爲嘗食焉不敢當客禮也

曲禮賜果於君前

其有核者懷其核

嫌棄尊者物也木實曰果

玉藻膳於君有葷桃茢於

大夫去茢於士去葷皆造於膳宰

膳美食也葷桃茢辟凶邪也大夫用葷桃士桃而已

葷薑及辛菜也茢葵蒂也造於膳宰既致命而授之葷或爲茹

右君食臣禮

賜果實附

孔子侍坐於哀公賜之桃與黍焉哀

公曰請用孔子先食黍而後食桃左右皆掩口而笑公曰

黍者所以雪夫桃非爲食之也孔子對曰臣知之矣然夫

黍者五穀之長郊禮宗廟以爲上盛果屬有六而桃爲下

祭祀不用不登郊廟臣聞之君子以賤雪實不聞以貴雪

賤今以五穀之長雪果之下者是從上雪下臣以爲妨於

教害於義故不敢晏子聘於楚楚王進橘置削晏子不

削而并食之楚王曰橘當去削晏子對曰臣聞之賜人主

前者瓜桃不剖橘柚不剖今王無教臣不敢剖臣非不知也

曲禮侍飲於長者酒進則起拜受於尊所降席拜受敬也長者

者辭少者反席而飲長者舉未酬少者不敢飲盡爵曰酬燕

禮曰公卒爵而後飲也御同於長者雖貳不辭謂侍食於長者饌宜

膳也辭之偶坐不辭盛饌不讓食不唾唾嫌有穢惡侍食於

長者主人親饋則拜而食勸長者食耳雖賤不得執共飯不

飽識也謂共羹飯之大器也共飯不澤手為汗手不潔也澤謂接莎卒

食客自前跪徹飯齊以授相者謙也自從也齊齊屬也相者

卒食北面取梁與醬以降也主人興辭於客然後客坐不聽親徹疏此

少儀燕侍食於君子則先飯而後已所以毋放飯毋流飲

小飯而亟之

亟疾也備歲數噍毋為口容

口容弄口容

客自徹辭焉

則止其主人辭

玉藻侍食於先生異爵者後祭先飯也

右侍食禮

國語魏獻子將食問誰在庭曰閻明叔襄在

召之使佐食比已食三歎既飽獻子問焉曰人有言曰唯

食可以忘憂君子一食之間而三歎何也同辭對曰吾小

人也貪饋之始至懼其不足故歎中食而自咎也曰豈主

之食而有不足是以再歎主之既食願以小人之腹為君

子之心屬厭而已是以三歎

曲禮毋搏飯

為欲致飽不讓

毋放飯

去手餘飯於器中人所穢毋流歎

啗食

嫌薄

毋齧骨

為有聲

毋反魚肉

為己歷口

毋投與狗骨

為其賤飲食之物

毋固獲

為其不廉也欲專

毋揚飯飯黍無以箸毋

嚙羹

亦嫌欲疾也

毋絮羹

為其詳於味也

毋刺齒

為其弄口也

飲醢

亦嫌詳於味也

客絮羹主人辭不能亨客飲醢主人辭

以實濡肉齒決

決猶斷也

乾肉不齒決堅宜毋嘬炙為其食食盛也

一舉盡特牲少

玉藻孔子食於季氏不辭不食肉而殮

半齊之加於俎

衛侯為虎幄於藉圃於田藉之圃新造幄成

求令名者而與之始食焉大子請使良夫以良夫應為令名良夫乘

衷甸兩牡

衷甸一轅卿車

紫衣狐裘紫衣君服至祖裘不釋劔而食食而熱故

偏袒亦不敬

齊慶封來聘叔孫與慶封食不敬為賦相鼠亦不

知也 齊慶封來奔叔孫穆子食慶封慶封汜祭汜祭遠散所祭不共

穆子不說使工為之誦茅鴟亦不知

右失禮 檀弓齊大饑黔敖為食於路以待餓者而食之

有餓者蒙袂輯屨貿貿然來

蒙袂不欲見人也輯敝也貿貿然來

明之黔敖左奉食右執飲曰嗟來食揚其目而視之曰子

唯不食嗟來之食以至於斯也

嗟來食雖閔而從而謝焉呼之非敬辭也

終不食而死曾子曰微與其嗟也可去其謝也可食

微猶無也

公食大夫禮

鄭目錄云主國君以禮食小聘大夫之禮公食禮於五禮屬嘉禮

公食大夫之禮使大夫戒各以其爵

戒猶告也告之必使同班敵者易以相親敬

上介出請入告

問所以三辭為其先受

賓出拜辱

拜使者屈辱來迎已

大夫不答拜將命

不答拜為人使也將猶致也

賓再拜稽首

受命大夫還於

君賓不拜送遂從之

不拜送者為從之不終事

賓朝服即位於大門外如

聘

於是朝服則初時玄端如聘亦入於次俟

右戒賓賓從

記不宿戒

食禮輕也此所以不宿戒者謂前期三日之戒申戒為宿謂前

期一戒不速則食賓之朝夙與戒之賓賓之乘車在大門

外西方北面立賓車不入門廣敬也凡賓即朝中道而往

止北面卿大夫位當車前凡朝位賓主之間各以命數為遠近之節也

即位具主人也擯者俟君於大門外卿大夫士羹定肉謂之羹定猶

熟也著之者甸人陳鼎七常門南面西上設局鼎俎若束若

下以為節編七鼎一大牢也甸人家宰之屬兼亨人者南面西上以其

為賓統於外也局鼎扛所以舉之者也凡鼎俎蓋以茅為

之長則束本短則編其中央禮書考工記曰廟門容大局七箇闔門容小局三箇說文

曰局外門之闔也蓋鼎局之制取象於門局而廟門之度

取數於鼎局大局牛鼎之局也小局羊豕鼎之局也鄭氏

謂牛鼎之局長三尺腳鼎之局長二尺然腳鼎乃牛鼎之

陪者也以小局為腳鼎之局而不以為羊豕鼎之局以其長止二尺故也局謂之鉉亦謂之鼎易稱玉鉉金鉉說文曰鼎以橫木貫耳而舉之則木其質也金玉其飾也籍茅為之長者束本短者編中陳鼎必於門外舉之則去幕然後入既入則抽局然後加匕

設洗如饗燕禮則饗者先饗後食如其近者也饗禮亡小臣具

槃匱在東堂下為公盥也公尊不執洗小臣宰夫設筵加席

几設筵於戶西南面而左几公不賓無尊主於食飲酒漿飲

俟於東房飲酒清酒也漿飲戴漿也其俟奠於豐上也飲酒

也凡宰夫之具饌於東房凡非一也飲食之具宰夫所掌也

堂

右陳器饌

記不授几

異於醴也

無昨席

公不

享於門外東方

必於門外者大夫之事也東方者主陽

司宮具几與蒲筵常緇布純加荏席

尋元帛純皆卷自末

司宮大宰之屬掌宮廟者也丈六尺日常半常日尋純緣也荏細華也末

經所終有以識之必長筵者以有左右饌也今文荏皆爲莞

宰夫筵出自東房

筵本在房宰夫

敷之也天子諸侯左右房

公如賓服迎賓於大門內

不出大門降於國君

大夫納賓

大夫謂上摺也納賓以公

命賓入門左公再拜賓辟再拜稽首

左西方賓位也辟遠公巡不敢當君拜也

揖入賓從揖入及廟門公揖入廟也

賓入三揖每曲揖及當碑揖相人偶

至於階三讓

先

公升二等賓升

遠下大夫立於東夾南西

面北上

東夾南東西節也取節於夾明東於堂

士立於門東北面西上

統於門者非其

正位辟

小臣東堂下南面西上宰東夾北西面南上

宰宰夫之屬也

賓在此

古文無內官之士在宰東北西面南上夫人之官內宰之屬也自卿大夫至此不先即位從君而入者明介門西北面西上西上自統於賓也然則承擯以下立於士西少進東上

右迎賓即位

公當楣北鄉至再拜賓降也公再拜

楣謂之梁至再拜者與禮侯賓嘉其來也公再

拜賓西階東北面答拜

西階東少就主君敬也

擯者辭

辭拜於下

拜也公

降一等辭曰寡君從子雖將拜興也

賓降再拜公降擯者釋辭矣賓猶降終其再拜

稽首興起也

賓栗階升不拜

自以已拜也栗實栗也

不拾級而下曰是

命之成拜階上北面再拜稽首

賓降拜主君辭之賓雖終拜於主君之意猶為不成

右拜至

記卿擯出下

不升堂也

士舉鼎去鼎於外次入陳鼎於碑南南面西上右人抽局坐

奠於鼎西南順出自鼎西左人待載入由東出由西明為賓也今文奠為委古文待

持雍人以俎入陳於鼎南旅人南面加匕於鼎退旅人雍人持雍人言入旅人言退文互相備也出入之屬旅食

由亦如舉鼎者匕俎每器一人諸侯官多也大夫長盥洗

東南西面北上序進盥退者與進者交於前卒盥序進南面

匕長以長幼也序載者西面載者左人也亦序自鼎東西魚

腊飪飪就也食禮宜載體進奏禮謂牲與腊也奏謂皮膚之

體七魚七宿俎寢右乾魚進映多骨也腸胃七同俎以其

也此俎實凡二十八倫膚七倫理也謂精理滑脫腸胃膚皆

橫諸俎垂之順其在牲之性也大夫既匕匕奠於鼎逆退復

位事畢宜由便也土載者又待設俎

右舉鼎載俎

六典通考

卷四十八

六

公降盟

將設

賓降公辭

從己

卒盟公壹揖壹讓公升賓升

皆壹役於初古

文壹皆作一

宰夫自東房授醢醬

授授公也醢醬以醢和醬

公設之以

為饌

賓辭北面坐遷而東遷所

東遷所奠之

公立于序內西

本

賓立於階西疑立

正立也自定之貌今文曰西

階

宰夫自東房薦豆六設於醬東西上韭菹以東醢醢昌本

昌本南麋醬以西菁菹鹿醢

醢醢有醢昌本昌蒲本菹也今

文醬皆

士設俎於豆南西上牛羊豕魚在牛南腊腸胃亞之

亞次也不言

膚以為特

特膚者出下牲賤旅人取匕甸人舉

鼎順出奠於其所

以其空也其

宰夫設黍稷六簋於俎西二

以並東北上黍當牛俎其西稷錯以終南陳

並併也今文曰

軌大羹湑不和賓於鐙宰右執鐙左執盞由門入升自阼階

盡階不升堂授公以盞降出入反位大羹湑煮肉汁也大古

謂之饔宰謂太宰宰夫之長也有蓋者饔自外公設之於醬

西賓辭坐遷之遷亦東宰夫設鉶四於豆西東上牛以西羊羊

南豕豕以東牛羹菜和羹之器飲酒實於觶加於豐豐所以承解者

宰夫右執觶左執豐進設於豆東食有酒者優賓也設於豆

者於左宰夫東面坐啟籩會各卻於其西會籩蓋也亦一合

右設正饌記贊者盥從俎升有其所上贊下大夫也

上謂堂上贊贊者事相近以佐上下為名鉶芼牛臠羊苦豕薇皆有滑臠豆

苦若茶也滑莖薑之屬今文苦為節

贊者負東房南面告具於公負東房負房戶而立也南公再

拜揖食再拜拜賓降拜答公公辭賓升再拜稽首不言成拜

未拜

賓升席坐取韭菹以辯擗於醢上豆之間祭擗猶染也贊者今文無干贊者

東面坐取黍實於左手辯又取稷辯反於右手興以授賓賓

祭之取授以右手便也實亦興受坐祭之於豆祭也獨云贊興實也少儀曰受立授立不坐三牲之肺

不離贊者辯取之壹以授賓肺不離者判之也不言判判則祭肺也此舉肺不離而判之便

賓祭也祭肺者絕肺祭實祭也祭肺者絕肺祭也亦猶稻也古文壹作一實興受坐祭於是云實興受坐祭重牲也賓亦每肺興

受祭於豆祭於掄手扱上鉶以柶辯擗之上鉶之間祭掄以柶扱其

也也拭祭飲酒於上豆之間魚腊醬醢不祭不祭者非食物之盛者

右賓祭正饌

宰夫授公飯梁公設之於涿西賓北面辭坐遷之既告具矣而設此

殷勤之加也遷之遷而西之以其東上也公與賓皆復初位位序內宰夫膳稻於

梁西膳猶進也進士羞庶羞皆有大蓋執豆如宰羞進也庶

梁西膳猶進也進士羞庶羞皆有大蓋執豆如宰羞進也庶

珍味可進者也。大以肥美者特為饗，所以祭也。魚或謂之臠，臠大也。唯臠醬無大如宰，如其進大羹，滂右執豆，左執盞。先者反之，由門入，升自西階。庶羞多羞人不足則相授於階上復出取也。先者一人升，設於稻南，簋西，閒容人。簋西黍稷西也，必言稻南者，明庶羞加不與正豆併也。閒容人者，賓當從旁四列西北上，一禮是所謂羹臠中別。臠以東，臠，臠牛炙。臠，臠臠今時臠也。牛曰臠，羊曰臠，豕曰臠。炙，南醢以臠，皆香美之名也。古文臠作香，屈作熏。炙，南醢以臠，先設醢，稱之以次也。內則謂臠，鮓，鮓南羊炙以臠，先設醢，然則臠用鮓，今文鮓作鮓。鮓，鮓南羊炙以東，羊臠，醢豕炙，炙南醢，以西豕臠，芥醬魚臠。芥醬，芥實醬也。內則曰：臠春用芥，秋用芥。眾人臠羞者，盡階不升堂，授以盞降出也。授授先者一人。

右設加饌

記簋有蓋

稻梁將食乃設出會於房，蓋以幕幕巾也。今文或作幕。凡

炙無醬

已有鹹和

贊者負東房告備於公復告庶羞具贊升賓以公命命賓坐

席末取梁卽稻祭於醬清間卽就也祭稻梁不以贊者北面

坐辯取庶羞之大興一以授賓賓受兼壹祭之兼壹受之而

羞輕也自祭之於腍

右賓祭加饌

賓降拜拜庶羞公辭賓升再拜稽首公答再拜賓北面白間坐

左擁篲梁右執桴以降白間坐由兩饌之間也擁抱也必取

食於階公辭賓西而坐奠於階西東面對西面坐取之栗階

升北面反奠於其所降辭公也奠而後對成其意也降辭公歛

食侍食贊公許賓升公揖退於廂廂東夾之前擯者退負東

塾而立無事賓坐遂卷加席公不辭贊者以告公公賓三飯以

涪醬

每飲歡涪以般搗醬食正饌也三飯而止君子食不求飽不言其般優賓宰夫執解醬飲與

其豐以進

此進漱也非為卒食為將有事緣實意欲自潔清

實挽手興受受宰夫設

其豐於稻西

活左酒右漿在東漿在西是

庭實設乘實坐祭遂飲奠於

豐上

飲

右賓正食

公受宰夫束帛以侑西鄉立

束帛十端帛也侑猶勸也主國君以為食賓殷勤之意未至復

發幣以勸之欲用深安賓也

鄉立序內位也受束帛於序端實降筵北面

以君將有命也

實降辭幣升聽命

降辭幣主國君又命之升聽命釋許

辭

當拜

公辭賓升再拜稽首受幣當東楹北面

主國君

之當東楹者欲得

退西楹西東面立

侯主國君送幣也公壹

拜賓降也公再拜

賓不敢

介逆出

以賓實北面揖執庭實以

出揖執者公降立反俟賓上介受賓幣從者訝受皮從者府史之屬訝迎

也今文曰梧受

右侑幣

賓入門左沒霤北面再拜稽首便退則食禮未卒不退則公嫌更入行拜若欲從此退

辭止其拜使揖讓如初如初也初升賓再拜稽首公答再拜

國君之厚意省揖介入復位賓降辭公如初將復賓升公揖退於廂賓卒

食會飯三飲卒已也此食黍稷則初時食稻粱不以醬湑

不復用正饌也初時食加飯用正饌此食正飯用庶羞互相成也後言湑或時後用

梁與醬以降西面坐奠於階西所當得又以已得侑幣東面

再拜稽首卒食拜也不北公降再拜升堂明禮有終

右卒食

介逆出賓出公送於大門內再拜賓不顧初來揖讓而退不顧退禮略也示難
進易退之義損者以有司卷三牲之俎歸於賓館卷猶收也無遺之辭
賓不願告公公乃還也三牲之俎正饌尤尊盡以歸賓尊之故也禮之有餘無施惠不言賜胃膚者在魚腊下不與可知也古文與作豫

右賓出

明日賓朝服拜賜於朝拜食與侑幣皆再拜稽首朝謂大門外大訝

聽之受其言入告出報也此下大夫有士評

右拜賜

上大夫八豆八簋六鉶九俎魚腊皆二俎記公食上大夫異於下大夫之數豆

加葵菹蜩醢四四為列俎加魚腸胃倫膚若九若十有一下

鮮魚鮮腊三三為列無特此以命數為差也九謂再命者也十一謂
大夫則若七若九此以命者也七謂一命者也九或上或下者

再命謂小國之卿次國之大夫也卿則
曰上大夫則曰下大夫之孤視子男
謂上下大夫也 上大夫庶羞二十加於下大夫以雉兔鶉鴛
古文毋爲無 母無

右食上大夫禮 記上大夫蒲筵加萑席其純皆如下大

夫純謂三命大夫也孤爲賓則上大夫庶羞酒飲漿飲庶

羞可也以於食庶羞宰夫又設酒漿拜食與侑幣皆再拜稽

首不嫌上大夫

若不親食謂主國君有使大夫各以其爵朝服以侑幣致之

執幣以豆實實於甕陳於楹外二以並北陳簋實實於筐陳

於楹內兩楹間二以並南陳陳甕筐於楹間者象授受於堂

甕北陳者變於食甕數如豆醢庶羞陳於碑內從焉上大夫

加鮮魚鮮腊腊雉雉兔兔鷄鷄庭實陳於碑外執乘皮者也不參參分分庭庭駕不陳於堂辟正僎僎庭實陳於碑外一在南者以言歸宜近
內牛羊豕陳於門內西方東上爲其賤污館賓朝服以受如
受賓禮朝服食無償以己本明日賓朝服以拜賜於朝訝聽
命賜亦謂食食值幣

右不親食

劉敞公食大夫義食禮公養賓國養賢一也親之故愛之
愛之故養之養之故食之食而弗愛猶豢之也愛而弗敬
猶畜之也饗禮敬之至也食禮愛之至也饗爲愛弗勝其
敬食爲敬弗勝其愛文質之辨也公使大夫戒必以其爵
恭也已輕則卑之已重則是以其貴臨之也賓三辭聽命
言是禮之貴弗敢當也弗敢當故難進也公迎賓於大門

內非不能至於外也所以待人臣之禮也臣之意欲尊其君子之意欲尊其父故迎賓於大門內所以順其爲尊君之意也三揖至於階三讓而升堂充其意諭之誠也於廟用祭器誠之盡也君子於所尊敬不敢狎不敢狎故神明之神明之故忠臣嘉賓樂盡其心也大夫立於東夾南西而北上士立於門東北面西上小臣東堂下南面西上宰東夾北西面南上內官之士在宰東北西面南上百官有司備以樂養賢也設筵加席几致安厚之義也公設醬然後宰夫薦豆殖醢士設俎公設太羹然後宰夫設啟簋言以身親之也賓徧祭公設梁宰夫膳稻士膳庶羞爲殷勤也賓三飯梁以消醬以君子之厚己也賓必親徹有報之

道也庭實乘皮脩以束帛雖備物猶欲其加厚之也公拜
送終之以敬也有司卷三牲之俎歸於賓館不敢褻其餘
也上大夫八豆八簋六鉶九俎庶羞二十其餘衰見是德
之殺也君子言之曰愛人者使人愛之者也敬人者使人
敬之者也親人者使人親之者也自卑者使人尊之者也
是故公養賓國養賢其義一也未有愛之敬之親之尊之
而其位不安者也未有不愛不敬不尊不親而能長有國
者也將由乎好德之君則將怡焉爲恐其不足於禮將由
乎驕慢之君則將曰是食於我而已矣是故君子所不足
小人所泰餘也孔子食於少施氏將祭主人辭曰不足祭
也將殮主人辭曰不足殮也孔子退曰吾食而飽少施氏

有禮哉故君子難親也將親之舍禮何以哉

大夫相食

大夫相食親戒速

記異於君者也速召也先就告之歸具既具復自召之

迎賓於門外

拜至皆如饗拜

饗大夫相饗之禮也今亡古文饗或作鄉

降盥受醬涪侑幣束錦

也皆自阼階降堂受授者升一等

皆者謂受醬受涪受幣也侑用束錦大夫文也降堂

謂止階上

賓止也

主人三降今文無束

賓執梁與涪之西序端

不敢食於尊處

主人辭賓反之卷加席主人辭賓反之辭幣降一等主人從

從辭

受侑幣再拜稽首主人送幣亦然

敵辭於主人降一等

主人從

辭謂辭其

卒食徹於西序端

亦親

東面再拜降出

亦拜

拜卒

其他皆如公食大夫之禮若不親食則公作大夫朝服

以侑幣致之

之致使也大夫有故君必使其同爵者為之致禮列國之賓來榮辱之事君臣同

賓受於

室無儗

與受君禮同

聘禮大夫於賓壹饗壹食上介若食若饗

若不親饗則公作大夫致之以酬幣致食以侑幣

論曰古者君臣相得有筐篚幣帛之陳有酒醴笙簧之樂非獨於其本國然也雖他邦來聘之臣亦必委曲以將其敬綢繆以極其歡故方在食禮之未舉也醢醬之豆稻粱之簠君一一爲親設之所以嚴重其禮者至矣及其將食則君先退避於廂使彼從容而安坐體舒而意泰故陪貳之士得以忘乎上下相臨之分而工祝婉轉再三以致其勸勉加餐之詞此先王制禮所以曲盡夫人情之宜也後世楚成王之於令尹子文每朝羞之脯一束糗一筐漢高祖於劉敬鄺食其一言合意延坐

禮食是亦古者吐哺待士之意也故韓信謝蒯通自以爲漢王推食食我義不忍負而黥布自九江來歸飲食供帳侔於王者雖所以感結豪俊之心乎然其禮文不可謂非隆也自是以來伏日之肉太官之膳史冊侈爲異數迨及有明一飯之賜降自特恩當之者逡巡遜謝僕僕亟拜若幸出望外者然其或進禮九重奉觴上壽咫尺之間渺若帝天曾不聞少假須臾相與酬酢於几筵之上以寫其枌杜飲食之思而使臣之勤勞鞅掌於萬里外者一朝而闕跪起趨出區區之誠默不得吐記曰禮無不答言上之虛取於下也今尊卑懸絕乃至如此則欲望其上下和親而不相怨甯可得乎昔者子

思厭鼎肉之煩己是以有犬馬畜伋之歎而秦風權輿
之詩曰于我乎每食四簋今也每食不飽蓋乾餼失德
之愆自古而病之矣於魯侯之臺無餽獨何尤哉